



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eginhartvs De Vita Caroli Magni, Animadversionibvs Illvstratvs

Bessel, Friedrich
Reinhard, Johann Friedrich

Helmeftadii, 1667

Caput IIX.

urn:nbn:de:hbz:466:1-10996

Abotritis dedit. Hæc ille, quæ totidem ferè verbis extant apud *Adelmum*, & *Auctorem Annalium Fuldens.* ad ann. 804. Idem cum his *Lambertus Schaffnaburg.* & *Sigebert.* ad ann. 803. itemque *Gobelin.* at. 6. cap. 40. pag. 192. Cum *Eginharto* tamen facere videtur *Marianus lib. III. ann. 775.* Occasionem ejus translationis scitè narrant *Adelmus*, *Albertus Stadenfis*, alii, ad ann. 777. quod jussu *Caroli* baptizati fuerint *Saxones* hæc conditione, ut si amplius statuta ejus violarent, tam libertate quàm patriâ privarentur. Quod posterus cum exqueretur *Carolus*, priùs tamen quodammodo mitigavit, conjungendo *Saxones* cum *Francis*, ita ut eandem cum his libertatem acciperent. Hæc ratione videtur omnis *Saxonum Trans-Albina Terra Abotritis Venedicæ* genti cessisse. At septimo circiter anno post, facta in patriam est exulibus redeundi licentia, atque ita pars præcæ *Saxonix* videtur ab exilio reversis reddita. Signatè privilegium à *Ludovico Pio Ecclesiæ Hamburgensi* concessum, quod *Syntagmati Rerum Germanicarum Septentrionalium* inseruit *Erpoldus Lindenbrogius*, quodque inde repetit *Petrus Lambecius*, *Orig. Hamburg. lib. 1. pag. 10:* Vnde postquam terram *Trans-Albianorum*, laxatâ captivitate, quam ad multam perfidiam in ipsis *Christianitatis* inicitis patriam, per septennium passi sunt, nè locus ille à barbaris invaderetur, *Ekeberto Comiti restituere præceperat, non iam vicinis Episcopis committere voluit.*

CAPUT IIX.

* Ità N. & Cod. Med. at R. Hoc bellum. **H**oc * bellò, licet per multum temporis spacium traheretur, ipse non amplius cum hoste quàm bis acie confligit, semel juxta montem qui *Osneggi* dicitur, in loco *Thietmelle* nominato: & iterum apud

* MS. Hesa. * *Asam* fluvium, & hoc uno mense, paucis quoque interpositis diebus. † His duobus præliis hostes adeo profligati ac devicti sunt, ut ulterius regem neque provocare, neque venienti resistere, nisi aliquâ loci munitione defensi, audent. † Plures tamen eo bello tam ex nobilitate *Francorum* quam *Saxonum*, & functi summis honoribus viri, consumpti sunt: tandemque anno tricesimo tertio finitum est: cum interim tot ac tanta in diversis terrarum partibus bella contra *Francos* & exorta sint, & solertiâ regis administrata, ut meritò intuentibus in dubium venire possit, utrum in eo aut laborum patientiam, aut felicitatem potiùs mirari

4. mirari conveniat. † Nam biennio ante Italicum hoc bellum sumpsit exordium: & cum sine intermissione gereretur, nihil tamen ex iis quæ alicubi erant gerenda, dimissum, aut ulla in parte ab æquè operoso certamine cessatum
5. est. † Nam rex omnium qui suâ ætate gentibus dominabantur & prudentia maximus, & animi magnitudine præstantissimus, nihil in iis, quæ vel suscipienda erant vel exequenda, aut * propter laborem detrectavit, aut propter * MS. per
laborem.
6. periculum exhorruit. † Verùm unumquodque secundum suam qualitatem & subire & ferre doctus, nec in adversis cedere, nec in prosperis falsò blandienti fortunæ assentire solebat.

ANIMADVERSIONES

AD CAP. IIX.

Non amplius cum hoste, quàm bis acie conflixit) Utriusque pugnæ memiaere Aimoinus lib. iv. cap. 75. ac Regino lib. II. anno 783. Locus prior Thietmali, seu Dietmelle, oppidum VVestfaliæ, hodie etiam non ignotum, quod olim Teutoburgum dictum, cladeque Variana nobilitatum evidentissimis argumentis demonstrat Philippus Cluverius lib. III. Germ. Antiqu. cap. xix. Posterior propter Asam, seu Hasam (sic enim rescribendum est in Annal. Fuldensibus Pithoei ac Freheri, ubi vulgo legitur Basa) fluvium, ad Meppen oppidum VVestfaliæ ejusdem, in Amasin se exonerantem,

Nisi aliquâ loci munitione defensi) Ergo oportet jam tum urbes arcesque in Saxoniam munitas fuisse; quod tamen tanto molimine doctissimi Viri negant. Equidem quod Albertus Crantzius, nescio quam antiquitatem, cum cæteris Urbibus Saxonice, tum Hamburgensium civitati assignat, lib. I. Metrop. cap. 12. non probo, & hactenus rectè eum refellit Petrus Lambecius, Orig. Hamburg. lib. I. p. 8. At quod idem Vir doctissimus, quem postremò nominavi, Saxoniam, antequam à Carolo M. fuit debellata, nullas planè urbes mœnibus incinctas habuisse affirmat, secus esse Veterum monumenta excutienti apparebit. Ne quid enim nunc de dubiæ antiquitatis castellis Minda, Magdeburgo, Salingstede, pluribusque aliis dicam, notoriæ sunt urbes antiquissimæ Bardericum, seu Bardengavv, ut appellat Adelmus ad ann. 785. cujus historiam ante hos quinquaginta, & quod excurrit annos, Henricus Meibomius, admirandæ Vir industriæ, singu-